

Sherifi o tlo gapa dithoto tša khamphani bakeng sa sekoloto sa PAYE le VAT

Tshwane, 10 Agosetose 2021 – Dithoto tša GladAfrica Management Services di tlo gapšwa ke sherifi morago ga ge Ditirelo tša Motšhelo tša Afrika Borwa (SARS) di hweditše kahlolo ya selegae le taelo ya go gapa ya semolao kgatlanong le khamphani morago ga ge e rometše dipušetšo tša PAYE le VAT ntle le go dira tefelo.

Go palelwa ke go dira ditefelo go feditše go bakile sekoloto sa R88-million gomme se ile sa fetišetšwa pele go sehlopha sa ka SARS sa ‘PAYE Rapid Response Team’ seo se bilego le ditlhatlamano tša dikamano le molefela motšhelo magareng ga Mei le Agosetose ka 2021.

Le ge go le bjale, taelo ya go gapa e ile ya dirwa lehono ka la 10 Agosetose, yeo e tla latelwago ke tlhomelo ya dithoto ka sherifi.

Khomišinare wa SARS Edward Kieswetter o boletše gore enngwe ya ditebo tša maano a setheo ke go thatafaletša le go lefiša dikotlo tša godimo go balelefa motšhelo bao ba sa obamelego boitlemo bja bona bja motšhelo, go sa lebelelwe gore ke molefela motšhelo ofe. “SARS e tšwelapele go lemoga mekgwana ya dikhamphani ya go romela dipušetšo ntle le go dira ditefelo tša go nyalelana. Go se obamelo fao go ka se kgotlelelwe ka ge di dira matšhošetši a šoro go tagafara ya SARS ya go koleka ditseno.

“Dikhamphani le balaodi ba tšona ba swanetše go lemoga gore SARS e tla tšea magato ka moka a semolao ka mo go kgonegago go kgonthiša gore ditefelo tša VAT le PAYE di a dirwa. Go ya ka tumelano ya leloko la boraro, PAYE e kolekwa go tšwa go bašomi legatong la SARS gomme ga e hole khamphani. Eupša go diriša motšhelo wo o kolekilwego bakeng sa merero ye mengwe ntle le go e lefela go SARS, ke tlolo ya molao.” Mrn. Kieswetter o rile bjalo.

Go hwetša tshedimošo enngwe, ikgokaganye le SarsMedia@sars.gov.za